

Širawt ta n sanatat iktab Yaxya

Šihulawen

¹ Awa nak amɣar a din-ihulan Īlkənisat ta tənəfranat əd bararan-net. Areq-qawan əs tidət, amaran wərgəɣ nak ɣas a kawan-iran, aytedan kul win əssannen tidət aran-kawan.

² Nar-iwan fəlas tidət a təhat iman-nana, wər tan-təgəmməd har faw. ³ Īgmaya daɣ Məššina di n Abba əd Barar-net Ƴaysa Īlməsix a danaɣ-ikfan arraxmat əd təhanint, d alxer, attaddin daɣ-na əs tidət əd tara.

Təməddurt ta təlkatat i tidət

⁴ Īkney təfalawist wəllen as əsley as wiyyad daɣ bararan-nam əzilalayan daɣ tarrayt ta n tidət s əmmək was dana-omar Abba-nana.

⁵ Īmərədda, Īlkənisat, ənta da arat wa daɣ-am gammaya: ad nənəmərü gar-ena. Wərgəɣ alwajib izrayan a dam-in-əktabaɣ da kalar alwajib awa nəgraw harwa ɣur ənətti. ⁶ Tara almaɣna-net ad nəzəluləɣ daɣ alwajiban ən Məššina. Ənta da da alwajib was za təlkatam s ənta as təslam harwa ɣur ənətti.

⁷ Iməssəxrak aggotnen əwizawazan daɣ əddənət. Ma imosan za əməssexrək n aytedan imos deɣ azangaw n Īlməsix? Adi za wa inkuran as Ƴaysa Īlməsix osâ-du əddənət imos aggadəm. ⁸ Daɣ adi ənkatat əd man-nawan fəl ad wər təsəbbənənam əššəɣəl-nawan. As

təgam ənəkud wa ad təgrəwam aroz-nawan indân.

⁹ Awedan kul wa inamaggagan d əsəssəxri n Elməsix wədi wər irtay əd Məššina. Amaran wa iglan ittâf əsəssəxri wa, wədi irtây d Abba əd Barar-net. ¹⁰ As kawan-d-osa awedan d əsəssəxri iyyan wər nəmos wa, a tu-wər-təqbəlam, amaran a das-wər-taxim assalam fadda. ¹¹ Fəlas i das-oğan assalam wədi inimannak dər-əs day arak mazalan-net.

Šihulawen šin əlkammen

¹² Əllan-tu aratan aggotnen as arex a dawan-tan-in-annaḡ mišan s a wər nəmos akatab ən širawt əs taddawat. Əssofay a kawan-in-asay iman-in annaḡ-awan-tan s əmi d əmi fəl ad təkməl təfalawist-nana. ¹³ Əhulan-kawan-in bararan ən təmidit-nawan ta tənnəfranat.

**Ḙlinjil ɛn Ḙaysa Ḙlməsix Itawann-as dex
Arkawal wa Aynayan
Tamajaq, Tawallammat: Ḙlinjil ɛn Ḙaysa Ḙlməsix
Itawann-as dex Arkawal wa Aynayan New Testament
Le Nouveau Testament en tamajaq tawallammat,
écriture latine**

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

3aaeb7b2-4a3b-51fe-8c2d-ed8c05d4be0f